



Inatsisartunut ilaasortaq Aleqa Hammond, Siumut
Inatsisartut
/Maani

Qaleralinnik pisassiissutit pillugit suliamut 2012-173 § 37 tunngavigalugu apeqqummut akissut

Inatsisartut suleriaasianni § 37, imm. 1 naapertorlugu qaleralinnik pisassiissutaasartut pillugit apeqquteqaateqarsimavutit. Apeqqutit uannit akisassanngorlugit innersuunneqarsimapput.

Apeqqutit:

- 1) *Qaleralittassanik agguaasseriaaseq pillugu maannamu Naalakkersuisut aqqis-suussineq ajunngitsumik nalilerpaat?*
- 2) *Qassit pisassiissutitut isumaqataaanatik naammangittaalliuteqarsimappat?*
- 3) *Qaleralittassat aappaagumut Uummannap aqutsisoqarfianut qaffanniarneqarepata ukioq mannamut qaffaareersinnaaneq Naalakkersuisut ammaffigaat?*

Akissutit:

Ad 1) Aalisarnermut, Piniarnermut Nunalerinermullu Naalakkersuisoqarfiup inuussutisarsiteqartut peqatigalugit sinerissap qanittuani qaleralinniartarnermi qaleralittassanik agguaasseriaatsip allanngortinnissaanik ukiuni arlalinni suliaqarsimapput. Taamaasillunilu aqqis-suussinermut allannguinissaq aallarnisarneqarsimavoq, ukiullu arlallit qaangiunneranni aatsaat iluaqutissartarisai nalilersorneqarsinnaassallutik.

Erseqqissarusuppara aalisartut ataasiakkaat ukiuni kingullerni pingasuni pisisimasaat tunngavigalugit qaleralittassiissutit naatsorsorneqarnikummata, tassa sinerissami qanittumi qaleralinniarneq pillugu Namminersorlutik Oqartussat nalunaarutaat nr. 2, 2. februar 2012-imeersoq tunngavigalugu, taamaalillunilu pisassiissutit tunniunneqartut aalisartup aalisarsinnaassusia tunngavigalugu tunniunneqarsimallutik.

Ad 2) Aalisarnermut, Piniarnermut Nunalerinermullu Naalakkersuisoqarfiup sinerissami qanittumi 2012-imi qaleralinniarnermut akuersissutit 162-t tunniuppai. Pisassiissutit tunniussat pillugit naammagittaalliutit 90-t tiguneqarsimapput. Naammagittaalliutit tarmik 1. juli 2012 nallertinnagu pisassiissutitut pigisanut ataatsimiititaliami suliarineqareerput, ataatsimiititaliaq taanna KNAPK-mit, GA-mit APNN-imiillu aallartitanit ilaasortaqarpoq. Naammagittaalliutit tiguneqarsimasut assigiinngiiaartuupput, ataatsimiititaliammi suliaasa ilagimmassuk aalisartut umiatsiaaqqamik aalisarusuttut; kiisalu qinnuteqartut ataasiakkaat akuersissummik pisassiissutitut pigisanik (kvoteandele) tunineqarsimannigtsut.

Ad 3) Erseqqissaatigissavara 2013-imut biologit qaleralittassatut siunnersuinerminni 2012-imut naleqqiullugu 1000 tonsinik annertunerummata, tassa 2012-imut pisassiissutit

29. juli 2012
Sagsnr. 2012-069756
Dok. Nr. 968025

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

biologit innersuussutaat katillugit 5000 tonsiummata. Sinerissamut qanittumut 2012-imut qaleralinnik pisassiissutit 6000 tonsiussasut aalajangiunneqarnikuvoq, tassa 2013-itut amerlatigisut.

Inussiarnersumik inuulluaqqusullunga

Ane Hansen